



Služba za finansije, inspeksijske poslove i opću upravu

Broj: 03/1-2-33-453/20  
Breza, 16.03.2020. godine

Sanitarno-komunalni inspektor Općine Breza, na osnovu člana 130. stav 2. Zakona o organizaciji organa uprave u FBiH („Službene novine FBiH“, broj 35/05) i člana 200. Zakona o upravnom postupku („Službene novine FBiH“, broj 2/98 i 48/99), a u skladu sa članom 11. stav 1. tačka 6. Zakona o zaštiti stanovništva od zaraznih bolesti („Službene novine F BiH“, broj 29/05), d o n o s i

## RJEŠENJE

- NAREĐUJE SE** poduzimanje preventivnih mjera radi sprečavanja pojave i uzroka koji bi mogli dovesti do pojave i /ili širenja zaraznih bolesti (koronavirusa) i to: svakodnevno provođenje dezinfekcije, uređaja, predmeta, opreme i prostora, naročito one i onih sa kojom / kojima se svakodnevno dolazi u kontakt prilikom ulaza / izlaza, rada, igre, obavljanja svakodневnih i redovnih poslova ili zadataka.
- Naređenje se odnosi na subjekte – odgovorne osobe koji rukovode slijedećim:**
  - JAVNIM USTANOVAMA I JAVNIM PREDUZEĆIMA;**
  - SUBJEKTIMA KOJI UPRAVLJAJU JAVNIM MJESTIMA, ŠALTER SALAMA, ČEKAONICAMA, PULT – KABINAMA I PROSTORIMA, ZAJEDNIČKIM PROSTORIJAMA (ulazi, stepeništa i dr.), PIJACOM I SL.;**
  - SREDSTVIMA JAVNOG ILI ORGANIZOVANOG PRIJEVOZA LJUDI (AUTOBUSI, TAXI, I SL.);**
  - OBJEKTIMA KOJE KORISTE I U KOJIMA BORAVE DJECA I STARIJE OSOBE (ŠKOLE, IGRAONICE- ZATVORENE I OTVORENE, OBDANIŠTA, DOMOVI I SL.);**
  - UGOSTITELJSKIM OBJEKTIMA, TRGOVINAMA I OBRTNIČKIM RADNJAMA;**
  - VOZILIMA I DRUGIM PREDMETIMA KOJI SLUŽE ZA PREVOZ OTPADA I OTPADNIH MATERIJAMA, KONTEJNERSKIM MJESTIMA, DEPONIJAMA OTPADA I DRUGIM OBJEKTIMA I PROSTORIMA GDJE DOLAZI DO KONTAKTA VEĆEG BROJA LJUDI.**
- Rok za početak postupanja po naređenju je **odmah** po objavljivanju ovoga rješenja.
- Inspektor će izvršiti kontrolu postupanja subjekata po ovome rješenju, na licu mjesta, te poduzeti potrebne mjere s ciljem provođenja ovog rješenja, odnosno zatvaranje objekta i / ili novčanog kažnjavanja subjekta koji ne postupi po istom, a sve do konačnog postupanja po rješenju.
- Protekom roka od tri (3) dana od dana objavljivanja na službenoj stranici Općine Breza i oglasnoj ploči Općine Breza dozvoljava se izvršenje ovoga rješenja, a poseban zaključak o dozvoli izvršenja ovoga rješenja neće se donositi.
- Troškovi izvršenja rješenja padaju na teret subjekata iz člana 2. ovoga rješenja, svakog u onom dijelu za koji je odgovoran.
- Žalba protiv ovog rješenja ne odgađa njegovo izvršenje.

## Obrazloženje

Na sastanku 05.02.2020. godine Krizni štab Ze-do kantona za sprečavanje pojave i/ili širenja koronavirus-a je donio Naredbu broj: 11-33-1335-4/20 od 05.02.2020. godine. Tačkom 4. navedene Naredbe nalaže se inspeksijskim službama da poštore nadzor nad higijenskim prilikama u objektima gdje boravi veći broj ljudi – čekaonice, kinodvorane, pozorišta, objekti MUP-a, banke, šalter sale i sl.).



Imajući u vidu naprijed navedeno, a na osnovu člana 130. stav 2. Zakona o organizaciji organa uprave u FBiH, doneseno je rješenje kao u dispozitivu.

### **Pouka o pravnom lijeku**

Protiv ovog Rješenja dopuštena je Žalba Federalnoj upravi za inspekcijske poslove – Inspektorat sanitarno-zdravstveno-farmaceutske inspekcije, u roku od osam (8) dana od dana prijema ovog Rješenja, a na osnovu odredbi člana 11. Zakona o sanitarnoj inspekciji („Službeni list SRBiH“ broj 23/77, 16/82, 13/83 i 15/90). Žalba se podnosi putem Općine Breza ili putem pošte Federalnoj upravi za inspekcijske poslove.

Na Žalbu se plaća federalna administrativna taksa u iznosu od 15,00 KM u korist Budžeta FBiH, propisana članom 2. i 3. Tarifni broj 3. Zakona o administrativnim taksama FBiH („Službene novine Federacije BiH“ broj 06/98, 8/00, 45/10, 43/13 i 98/17 ), Transakcijski račun: 1020500000106698, Vrsta prihoda: 722 112, Šifra grada: 016.

Dostavljeno :

1x Svi navedeni subjekti/odgovorne osobe  
1x Općinski načelnik  
1x Pomoćnik načelnika 03/1  
1x Info pult  
1x Oglasna ploča  
1x Radio Breza  
1x Evidencija  
1x a/a

Sanitarno-komunalni inspektor

Elsada Šehović, dipl.ing.hem.



Adresa: Bogumilska br.1 tel: 032/786-061 centrala, 032/786-027 inspekcija,  
fax: 032/786-031, 032/786-041  
e-mail: [insekcija@breza.gov.ba](mailto:insekcija@breza.gov.ba) [www.breza.gov.ba](http://www.breza.gov.ba)

